

նախապէս ասնում են նրա համաձայնութիւնը և ապա պաշտօնապէս խնդրում նրա ձեռքը սկեսուրից կամ սկեսրայրից:

Հարուսիր Փէրիտում հարսանիքի ծէսը շատ բարդ է և կապւած է մեծ ծախսերի հետ: Հարսանիքի տէրը ստիպւած է տեղակալ սովորութեան համաձայն հիւրասիրել ոչ միայն իր մօտիկ ազգականներին, այլ և ամբողջ գիւղի ժողովրդին, նայուպէս և մեծակայ գիւղերից շատ-շատերին:

Ընդհանրապէս հարսանիքները տեղի են ունենում ձմեռը, Հսկտեմբերից մինչև Փետրւար, մանաւանդ Բարեկենս գանի օրերին:

Սովորաբար սկսում են Հինգշաբթի օրը և աւարտում Երկուշաբթի կամ Երեքշաբթի: Հինգշաբթի առաւօտեանից թէ թագաւորի և թէ հարսնաւի տանն սկսում են հարսանիքի պատրաստութիւնները տեսնել. այդ օրն երկու կողմից ընտրւած ջահիլներ շրջում են գիւղի տները և գիւղացիներին հարսանիքի հրաւիրում: Ուրբաթ առաւօտեան թագաւորի տունն են ժողովում հրաւիրւածները, ուր թէյ խմելուց յետոյ մի-երկու ժամ անց, 10—12 պատրաստւած մատուցարաններ, որոնց մէջ լինում է օրինակ՝ 8 լիտր բրինձ, 6 լիտր չամիչ, 2 լիտր իւղ, 4 լիտր դանդ, 1 կամ 2 ոչխար՝ վերցնելով զուռնայի և թմբուկի նւագածութեամբ ջահիլ հարսներն ու աղջիկները մետաքսէ թաշկինակները ձեռքերին, հանդիսականների առջևից պարելով՝ դիմում են հարսնացւի տունը, ուր մի հոգի դուռը բռնում է և թոյլ չէ տալիս ներս մտնելու, մինչև որ աղջկայ հայրը մի կամ երկու զուռն փող չտայ: Այստեղ թէյ խմելուց ու պարելուց յետոյ խմբովին զուռնայով պարելով և երգելով գնում են խաչեղբօր (քաւորի) տունը: Խաչեղբայրը տանը պատրաստւել, սպասում է, որովհետև նախընթաց օրը փեսացւի տանից յայտնել են նրան այդ մասին: Խաչեղբօր համար իբրև նւէր տանում են մատուցարանի մէջ գրւած մի գլուխ շաքար, որի մօտ խաչեղբօր հայրը գնում է մի այլ գլուխ շաքար և յետ ուղարկում «թագաւորին» (փեսացւին): Խաչեղ-